



Inatsisartunut ilaasortaq Justus Hansen, Demokraatit
inatsisartut@inatsisartut.gl

Ilulissani Imapik ikaarlugu mittarfiup nutaap inuussutissarsiornermik, pilersuinerimi isumannaassutsimik suliffeqarfinnillu nutaanik nukittorsaanissamut iluaqutaasinnaanera pillugu § 37 naapertorlugu apeqquteqaammut 2026-009-imut akissut.

Dato: 04-02-2026
Sagsnr.: 2026 - 2290
ID. Nr.: 79812857

Asasara Justus Hansen

Postboks 909
3900 Nuuk

Inatsisartut suleriaasianni § 37 naapertorlugu Ilulissani Imapik ikaarlugu mittarfiup nutaap inuussutissarsiornermik, pilersuinerimi isumannaassutsimik suliffeqarfinnillu nutaanik nukittorsaanissamut iluaqutaasinnaanera pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Tlf.: (+299) 34 50 00
E-mail: box909@nanoq.gl
www.naalakkersuisut.gl

Apeqqut 1. Naalakkersuisut qanoq nalilerpaat, Ilulissani imarpik qulaallugu mittarfiup inuussutissanik nutaanik pissarsinissamut periarfissat pitsannguuteqassanersut Avannaata Kommuniani aamma Kommune Qeqertalimmi, tassani pineqarlutik paarnat naatitalu?

Akissut: Ilulissani Imapik qulaallugu mittarfiup pilersinneqarnerani Kalaallit Nunaata avannaani ingerlasussanik piareersaanermi aaqqissuussinermilu sinaakkutissat pingaarnert nukittortinneqassasut naliliisoqarpoq. Nunanut tamalaanut toqqaannartumik attaveqalernermi silaannakkut nassiuussanik assartuussinissamut periarfissat patajaannerusut eqaannerusullu anguneqarsinnaassasut naatsorsuutigineqarpoq, taamaalillunilu nioqutissanik nutaanik pissarsisinnaaneq taparserneqarsinnaavoq, taakkunungalugu paarnat naatitalu ilapput.

Mittarfik nunap immikkoortuani katersuuffittut atuunnissaa, tassangaanniillu pilersaarutaasumik angallassinerit pitsaannerusut isorartunnginnerusumullu assartuussisarnerit sivikinnerusut Kalaallit Nunaata avannaa tamakkerlugu pilersuiviit pitsaanerulernissaannut iluaqutigineqarnissaat eqqarsaatigineqarpoq. Saniatigut sunniutissat taakku Avannaata Kommuniani aamma Kommune Qeqertalimmi innuttaasunut iluaqutaassasut naliliisoqarpoq.

Taamaattorli erseqqissaatigineqassaaq, neqerooruteqartitsisarnermut, akinut nerisassanillu nutaanik pissarsisinnaanermut sunniutissanut aamma assartuussisartut angallavinnut pilersaarusiortarnerini, niuernerimik tunngaveqarlutik sullissisut ingerlasussanik piareersaasarnerni aaqqissuussisarnerinilu, kiisalu ataatsimut piumasaqartarnermi pissutsit apeqqutaasussaammata, tamannalu mittarfiliortiternissamut pilersaarusiornermi aalajangiinissamut tunngavissani immikkut misissoqqissaarneqarsimanngimmat.

Apeqquut 2. Ilulissani imarpik qulaallugu mittarfimmiit angallassassat ingerlateqqinneqarnissaannut periarfissat suuppat, tassani pineqarlutik nioqqutissiassat nutaat avammut tuniniarneqarneri, mittarfik ammarpat?

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup apeqqutip akineqarnissaanut Greenland Airports A/S oqaaseqartippaa. Greenland Airports A/S imatut paasissutissiivoq:

"Ammaanermiilli Ilulissaniit silaannakkut nassiussisoqarsinnaalissaaq, taakkunungalu tunisassiassanik nutaanik avammut nassiussisarnerit ilaatinneqarput. Suliassaqaarfik tamanna Greenland Airports-imiit pingaaruteqarluartutut inissisimatinneqarpoq, minnerunngitsumik Ilulissat aalisarnermut pingaaruteqarnera eqqarsaatigalugu. Mittarfik avataani aalisakkanik nutaanik kaattaassisarnermi niuerfinnut Europami aamma Amerika Avannarlermi nassiussisarnermi tapertaasinnaavoq. Ilulissaniit nassiussisarnermut tapersiissutitut Greenland Airports nassiussanut scannerimik pisisimavoq. Greenland Airports Ilulissani mittarfiup terminalitoqaani nassiussaleriffimmik immikkoortumik suliaqarnissamik pilersaaruteqarpoq, tamatumani Kalaallit Nunaanniit nassiussisarneq tapersiiffiginiarlugu."

Apeqquut 3. Angallannermut aqutsisoqarfiup suut piumasaqaatigai upalungaarsimanermut, tassani pineqarlutik imermik pilersuineq ikuallattunillu qamisaaneq, Ilulissani imarpik qulaallugu mittarfissap ammarneqarsinnaaneranut ingerlassinnaanerannullu nunanut tamalaanut mittarfittut?

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup apeqqutip akineqarnissaanut Greenland Airports A/S oqaaseqartippaa. Greenland Airports A/S imatut paasissutissiivoq:

"Ilulissani Imapik qulaallugu mittarfik Angallannermut Aqutsisoqarfiup nunani tamalaani mittarfinnut piumasaqaatai atuuttut naapertorlugit sananeqarpoq ingerlanneqassallunilu. Maleruagassani ikuallattoornissamut annaassiniarnissamullu upalungaarsimanermut piumasaqaatinik aalajangersimasunik aalajangersaasoqarpoq. Piumasaqaatinut timmisartut mittarfimmut missinnaasut angissusii apeqqutaatinneqarput. Ilulissani mittarfik ikuallattoornissamut upalungaarsimanermi immikkoortoq 8 atorlugu akuerisaavoq, tassanilu skumtender-it pingasut, imermik katillugit 18.000 literinik imaqarsinnaasut pigineqarnissaat piumasarineqarpoq. Mittarfinni sumiiffimmik tikikkuminartumik, skumtender-inut sukkulluunniit imermik ulikkaarsimasussanut inissiiviusinnaasumik qulakkeerinissaq piumasarineqarpoq. Angallannermut Aqutsisoqarfiup piumasaqaataa tamanna mittarfiup ilusilerneqarneratigut naammassineqarpoq."

Apeqquut. 4 Ilulissani imarpik qulaallugu mittarfimmi akitsuuteqanngitsunut pisiniarfimmik pilersitsinissamut Naalakkersuisut sunik eqqarsaasersuuteqarsimappat?

Akissut: Ineqarnermut, Attaveqaasersuutitut Isorliunerusunullu Naalakkersuisoqarfiup apeqqutip akineqarnissaanut Greenland Airports A/S oqaaseqartippaa. Greenland Airports A/S imatut paasissutissiivoq:

"Ilulissat Mittarfianni nioqqutissanik akitsuuteqanngitsunik niuerfimmik pilersitsinissaq Greenland Airports-imit pingaartinneqarpoq. Kisiannili ammaanerup kingorna piffissami siullermi nunani tamalaani ilaasunik angallassinerup killeqangaatsiarnissaa naatsorsuutigineqarpoq. Mittarfiup ammannerani Greenland Airports nioqqutissanik akitsuuteqanngitsunik tuniniaanermik, ilaasartut angallanneqarnerinut naleqqussakkamik aallartitsinissamik kissaateqarpoq. Greenland Airports-ip aallaqqaammut inuttaligaanngitsunik, imminut sullinnermik tunngaveqartunik aaqqiinissaq pilersaarutigaa. Ilulissat Mittarfianni 2028-mi piffissami takornariartitsiffiusumiit akitsuuteqanngitsunik pisiniarfippiamik pilersitsisoqarsinnaanera anguniarneqarpoq. Tamatumani angallavinnut tuniniaanerit nunani tamalaani attaveqarnernut amerlanerusunut annertusineqarnissaat, aammalu ornigassanut ilaasutigut pisinnaasat tamarmiusut ineriartorteqinneqarnissaat aallaavigineqarpoq."

Apeqquut 5. Naalakkersuisut oqaluuserisamut soqutiginaatilinnik allanik paasissutissiisinnaanerlutik?

Akissut: Naalakkersuisut allanik ilassutissaqanngillat. Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

Aqqaluq B. Egede